



## Publicaziuns officialas dils 08-01-2010

---

### Elecziuns communalas 2010

#### Uffecis politics che crodan en elecziun

Tenor art. 10 dalla constituziun communal ha las elecziuns communalas liug uonn. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dil cussegl da scola,
- e) commembers dalla cumissiun da baghegiar.

Sefundont sin art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zercladur.

#### Demissiuns

Persunas che seretilan d'in dils suranumnai uffecis communalas ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissionar ei supplicaus da risguardar il termin sura indicau.

#### Preavis ed informaziun

##### Abdicaziuns

La gliesta cullas persunas che han demissionau vegn publicada a dretg temps el FUS.

##### Nominaziuns novas

Officials che seretilan buca, valan sco proponi. Ils vischinadis e gruppaziuns da silmeins 15 votants san far nominaziuns da candidats per scadin post che stat en elecziun. Tuttas propostas per la gliesta officiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs tier la canzlia. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 08-01-2010

Suprastanza communal Sumvitg

#### Taglia alla fontauna

Tuts patrums che han giu occupau luvriers jasters naven digl 1 da fenadur 2009 entochen ils 31 da december 2009 ein supplicai da quinter giu la taglia alla fontauna entochen **la fin dil meus schaner 2010**. Plinavon ei igl importo dalla taglia da pagar enteifer 15 dis alla cassa communal.

Sumvitg, 08-01-2010

Administraziun communal Sumvitg

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 08-01-2010

Departament stradal

### **Uffeci dil stadi civil Cadi**

#### **Mortori**

**Deplazes Maria Ottilia**, naschida ils 27-01-1922, morta ils 23-12-2009, stada sesenta a Surrein, Reits 291A.

Sumvitg, 08-01-2010

Controlla da habitonts Sumvitg

### **Ils retgs dalla vischnaunca da Sumvitg fan viseta**

Da Buania visitein nus las casadas da nossa vischnaunca. Dallys bunamans che nus astgein retscheiver va ina pintga summa en nossa cassa da viadi da scola. La gronda part dil recav ei destinada per projects el Tierz mund (Brasilia, Nigeria e Peru). Nus engraziein gia ordavon per Vies sustegn e giavischein a Vus tuts bialas fiastas ed in bien niev onn. *Ils retgs, las reginas e lur scolastas*

### **Ils retgs da Cumpadials fan bugen ina viseta en Vossa casada**

Ils retgs sepresentan **sonda, ils 9 da schaner e dumengia, ils 10 da schaner**. Sonda, ils 9 da schaner allas 17.00 (Casa s. Giusep) e dumengia, ils 10 da schaner allas 19.00 contan ils retgs duront messa.

### **Ils retgs da Rabius fan bugen ina viseta en Vossa casada**

Ils retgs sepresentan sco suonda:

**Venderdis, ils 8 da schaner 2010** Runs, Caho, Fraissen, Curtins, Gara

**Sonda, ils 9 da schaner 2010** Cavivens, Gir, Tschuppina, Rabius sut-via, Rabius sur-via

**Dumengia, ils 10 da schaner 2010** Campieschas, Cumadé, Caduff, Chistrisch, Fravia, Catat

**Dumengia, ils 10 da schaner allas 10.30, contan ils retgs duront messa.**

### **Ils retgs da Surrein fan bugen ina viseta en Vossa casada**

Ils retgs sepresentan sco suonda:

**Sonda, ils 9 da schaner 2010** Val, Reits, Giachentrina, Plazzas su

**Dumengia, ils 10 da schaner 2010** Plazzas sut, Cagliezi, Encarden, Planatsch, Bubretsch

**Dumengia, ils 10 da schaner allas 9.15, contan ils retgs duront messa.**

### **Ils retgs da Sumvitg fan bugen ina viseta en Vossa casada**

Ils retgs sepresentan sco suonda:

**Venderdis, ils 8 da schaner 2010** Clavadi, Sogn Benedetg, Siltginas, Staziun

**Sonda, ils 9 da schaner 2010:** Sut via

**Dumengia, ils 10 da schaner 2010:** Sur via

**Dumengia, ils 10 da schaner allas 19.00, contan ils retgs duront messa.**

### **Uniun da dunnas Sumvitg/Cumpadials**

Caras commembras, nus envidein Vus cordialmein alla proxima sera da giugs ils **20 da schaner 2010** allas 20.00 uras ell'ustria Cruna a Sumvitg. *Sin seveser la suprastonza*

### **Biblioteca Trun**

Mira Sut Trun

### **Biblioteca populara, Mustér**

Mira sut Disentis/Mustér.